

摛藻堂四庫全書薈要

集部

欽定四庫全書
欽定全唐詩卷一百五十七 集部

御定全唐詩卷三百五十二

柳宗元

登柳州峩山

荒山秋日午獨上意悠悠如何望鄉處西北是融州

得盧衡州書因以詩寄

臨蒸且莫歎炎方為報秋來雁幾行林邑東迴山似戟
牂牁南下水如湯蒹葭淅瀝含秋霧橘柚玲瓏透夕陽

非是白蘋洲畔客還將遠意問瀟湘

答劉連州邦字

連璧本難雙分符刺小邦崩雲下灘水劈箭上潯江負
鶯啼寒狹余救切鳴枹驚夜狹遙憐郡山好謝守但臨窗

嶺南江行

瘴江南去入雲煙望盡黃茆是海邊山腹雨晴添象跡
潭心日暖長蛟涎射工巧伺遊人影颶母偏驚旅客船
從此憂來非一事豈容華髮待流年

柳州峒氓

郡城南下接通津異服殊音不可親青箬裏鹽歸峒客
綠荷包飯趁虛人嶺南人呼市為虛鵝毛禦臘縫山罽雞骨占

年拜水神愁向公庭問重譯欲投章甫作文身

酬徐二中丞普寧郡內池館即事見寄

鶴鴻念舊行虛館對芳塘落日明朱檻繁花照羽觴泉
歸滄海近樹入楚山長榮賤俱為累相期在故鄉

酬賈鵬山人郡內新栽松寓興見贈二首

芳朽自為別無心乃玄功天天日放花榮耀將安窮青
松遺澗底擢蒼茲庭中積雪表明秀寒花助葱蘢貞幽
夙有慕持以延清風

無能常閉閣偶以靜見名竒姿來遠山忽似人家生勁
色不改舊芳心與誰榮喧卑豈所安任物非我情清韻
動竽瑟諧此風中聲

種柳戲題

柳州柳刺史種柳柳江邊談笑為故事推移成昔年垂

陰當覆地聳幹會參天好作思人樹慚無惠化傳

柳州二月榕葉落盡偶題

宦情羈思共悽悽春半如秋意轉迷山城過雨百花盡

榕葉滿庭鶯亂啼

浩初上人見貽絕句欲登仙人山在柳州因以酬

之

珠樹玲瓏隔翠微病來方外事多違仙山不屬分符客

一任凌空錫杖飛

雨中贈仙人山賈山人

即賈鵬也

寒江夜雨聲潺潺曉雲遮盡仙人山遙知玄豹在深處
下笑羈絆泥塗間

別舍弟宗一

零落殘紅一作魂

倍黯然

雙垂別淚越江邊一身去國六

千里萬死投荒十二年桂嶺瘴來雲似墨洞庭春盡水
如天欲知此後相思夢長在荆門郢樹煙

奉和周二十二丈酬郴州侍郎衡江夜泊得韶

州書并附當州生黃茶一封率然成篇代意之
作

丘山仰德耀天路下征駢夢喜三刀近書嫌五載違凝
情江月落屬思嶺雲飛會入司徒府還邀周掾歸

殷賢戲批書後寄劉連州并示孟崙二童

自注家有

右軍書每紙背庚翼題云
王會稽六紙二月三十日

書成欲寄庾安西紙背應勞手自題聞道近來諸子弟
臨池尋已厭家雞

重贈二首

聞道將離向墨池劉家還有異同詞

漢書劉歆以左丘明公穀詳略難父

向向不能非如今試遣隈牆問已道世人那得知

世上悠悠不識真薑芽盡是捧心人若道柳家無子弟

往年何事乞西賓

子厚嘗為劉寫西京賦

疊前

小學新翻墨沼波羨君瓊樹散枝柯左家弄玉唯嬌女
空覺庭前鳥跡多

疊後

事業無成耻藝成南宮起草舊連名

公與夢得嘗同為禮部員外郎勸

君火急添功用趁取當時二妙聲

銅魚使赴都寄親友

自注嶺南支郡無綱官考帳典等悉附都府至京

行盡關山萬里餘到時間井是荒墟附庸唯有銅魚使
此後無因寄遠書

韓漳州書報徹上人亡因寄二絕

早歲京華聽越吟聞君江海分逾深他時若寫蘭亭會

莫畫高僧支道林

頻把瓊書出袖

一作
衲

中獨吟遺句立秋風桂江日夜流

千里揮淚何時到甬東

柳州城西北隅種柑樹

手種黃柑二百株春來新葉徧城隅方同楚客憐皇樹

楚詞后皇嘉樹橘來服兮受命不遷生南國兮

不學荊州利木奴幾歲開花聞

噴雪何人摘實見垂珠若教坐待成林日滋味還堪養

老夫

聞徹上人亡寄侍郎楊丈

東越高僧還姓湯幾時瓊佩觸鳴璫空花一散不知處
誰采金英與侍郎

段九秀才處見亡友呂衡州書迹

交侶平生意最親衡陽往事似分身袖中忽見三行字
拭淚相看是故人

柳州寄京中親故

林邑山連瘴海秋牂牁水向郡前流勞君遠問龍城地

正北三千到錦州

種木槲花

上苑年年占物華
飄零今日在天涯
祇因長作龍城守

剩種庭前木槲花

柳州龍城郡

摘櫻桃贈元居士時在望仙亭南樓與朱道士

同處

海上朱櫻贈所思
樓居況是望仙時
蓬萊羽客如相訪
不是偷桃一小兒

酬曹侍御過象縣見寄

象縣柳
州縣名

破額山前碧玉流。騷人遙駐木蘭舟。
述異記七里州中
有魯班刻木蘭為
舟至今在洲中詩
家云木蘭舟自此
春風無限瀟湘意。
一作憶欲採蘋花不
自由。

法華寺石門精舍三十韻

集有記云寺居永州地最高

拘情病幽鬱曠志寄高爽願言懷名緇東峰旦夕仰始
欣雲雨霽尤悅草木長道同有愛弟披拂恣心賞松谿
石
胡了入石棧夤緣上蘿葛一作葛綿層甍莓苔
皴切

侵標榜密林互對聳絕壁儼雙敞塹峭出蒙籠墟險一
作

嶮臨滉瀼稍疑地脉斷悠若天梯往結構罩羣崖廻環

驅萬象小刦不逾瞬大千若在掌體空得化元觀有遺

細想喧煩因蠻蠻跔躋疲魍魎寸進諒何營尋直非所

枉探奇極遙矚窮妙悶清響理會方在今神開庶殊曩

茲遊苟不嗣浩氣竟誰養道異誠所希名賓匪余仗超

攄藉外獎俯默有內朗鑑

一作銗

爾揖古風終焉乃吾黨

潛軀委韁鎖高步謝塵埃蓄志徒為勞追蹤將焉倣淹

留值類暮眷戀睇遐壤映日雁聯軒翻雲波泱漭殊風

紛已萃鄉路悠且廣羈木畏漂浮離旌倦搖蕩昔人歎

違一作遺志出處今已兩何用期所歸浮圖有遺像幽蹊

不盈尺虛室有函丈微言信可傳申旦稽吾穎

遊朝陽巖遂登西亭二十韻

謫棄殊隱淪陟陟非遠郊所懷緩伊鬱詎欲肩夷巢高

巖瞰清江幽窟潛神蛟開曠延陽景廻薄攢林梢西亭

構其巔反宇臨呀

虛牙切

許交切

背瞻星辰興下見雲

雨交惜非吾鄉土得以蔭菁茆羈貫

與卯同

去江介世仕

尚函崤故墅即灋川數畝均肥磽臺館葺荒丘池塘疏

沈坳會有圭組戀遂貽山林嘲薄軀信無庸瑣屑劇斗

宵囚居固其宜厚羞久已包庭除植蓬艾隙

同

牖懸墉

蛸所賴山川客扁舟枉長梢

梢船尾木

挹流敵清觴掇埜代

嘉肴適道有高言取樂非絃匏逍遙屏幽昧淡薄辭喧

呶晨雞不余欺風雨聞嚙嚙

音交

再期永日間提挈移中

庖

湘口館瀟湘二水所會

九疑濬傾奔臨源委縈廻會合屬空曠泓澄停風雷高
館軒霞表危樓臨山隈茲辰始澂直凌切 霽纖雲盡褰開

天秋日正中水碧無塵埃杳杳漁父吟叫羈鴻哀境
勝豈不豫慮分固難裁升高欲自舒彌使遠念來歸流
駛且廣汎舟絕沿洄

登蒲州石磯望橫江口潭島深迥斜對香零山

永州
山在

隱憂倦永夜凌霧臨江津猿鳴稍已疎登石娛清淪日出洲渚靜澄明晶一作晶無垠浮暉翻高禽沈景照文鱗雙江滙西奔詭怪潛坤珍孤山乃北峙森爽棲靈神洄潭或動容島嶼疑搖振切人陶埴茲擇土蒲魚相與鄰信美非所安羈心屢逡巡糾即糾字結良可解紓鬱亦已伸高歌返故室自調非所欣

南澗中題

秋氣集南澗獨遊亭午時廻風一蕭瑟林影久參差始

至若有得稍深遂忘疲羈禽響幽谷寒藻舞淪漪去國
魂已遠一作游懷人淚空垂孤生易為感失路少所宜索

莫竟何事徘徊祇自知誰為後來者當與此心期

遊石角過小嶺至長烏村

志適不期貴一作不自期道存豈一作貴偷生久忘上封事復

笑昇天行竄逐宦湘浦搖心劇懸旌始驚陷世議終欲
逃天刑歲月殺切色界憂慄慵疎寡將迎追遊疑所愛且

復舒吾情石角恣幽步長烏遂遐征磴廻茂樹斷景晏

寒川明曠望少行人時聞田鶴鳴風篁冒水遠霜稻侵
山平稍與人事閒益知身世輕為農信可樂居寵真虛
榮喬木餘故國願言果丹誠四支反田畝釋志東臯耕
與崔策登西山

策字子符集
有送崔九序

鶴鳴楚山靜露白秋江曉連袂度危橋紫廻出林杪西
岑極遠目毫末皆可了重疊九疑高微茫洞庭小迥窮
兩儀際高出萬象表馳景泛頽波遙風遞寒篠謫居安
所習稍厭從紛擾生同胥靡遺壽比彭鏗夭蹇連困顛

陪愚蒙怯幽眇非令親愛疎誰使心神悄偶茲遁山水
得以觀魚鳥吾予幸淹留緩我愁腸繞

構法華寺西亭

竄身楚南極山水窮險艱步登最高寺蕭散任疎頑西
垂下斗絕欲似窺人寰反如在幽谷榛翳不可攀命童
恣披翦葺宇橫斷山割一作割如判清濁飄若升雲間遠
岫攢衆頂澄江抱清灣夕照臨軒墮棲鳥當我還蓬蒿

溢嘉色箕箒遺清斑神舒屏羈鎖志適忘幽辱棄逐久

枯槁迨今始開顏賞心難久留離念來相關北望間親愛南瞻雜夷蠻置之勿復道且寄湏臾間

夏夜苦熱登西樓

苦熱中夜起登樓獨褰衣山澤凝暑氣星漢湛光輝火晶燥露滋埜靜停風威探湯汲陰井燭竈開重扉憑闌久彷徨流汗不可揮莫辯亭毒意仰訴璿與璣諒非姑射子靜勝安能希

覺衰

久知老會至不謂便見侵今年宜未衰稍已來相尋齒
疎髮就種音踵奔走力不任咄此可奈何未必傷我心彭

聃安在哉周孔亦已沈古稱壽聖人曾不留至今但願

得美酒朋友常共斟是時春向暮桃李生繁陰日照天

正綠

一作碧

杳杳歸鴻吟出門呼所親扶杖登西林高歌

足自快商頌有遺音

遊南亭夜還叙志七十韻

夙抱丘壑尚率性恣遊遨中為吏役牽十祀空悄勞外

曲徇塵轍私心寄英髦進乏廊廟器退非鄉曲豪天命
斯不易鬼責將安逃屯難果見凌剝喪宜所遭神明一作

期固浩浩衆口徒嗷嗷投跡山水地放情詠離騷再懷

曩歲期容與馳輕舠虛館背山郭前軒面江阜重疊間

浦溆遙迤驅巖峩牛刀積翠浮澹灔始疑負靈鼈叢林

留衝飈石礫迎飛濤曠朗天景霽樵蘇遠相號澄潭湧

沈鷗半壁跳懸猱鹿鳴驗食埜魚樂知觀濠狐賞誠所

悼暫欣良足褒留連俯櫨檻注我壺中醪采頤進芟實

擢手持蟹螯炊稻視饗鼎膾鮮聞一作閔 操刀杖蔬盈傾

筐頗雜池沼芼緬慕鼓柂翁嘯詠哺其糟退想於陵子

三咽資李螬斯道難為偕沈憂安所韜曲渚怨鴻鵠環

洲彫蘭草音臯暮景迴西岑北流逝滔滔徘徊遂昏黑遠

火明連艘木落寒山靜江空秋月高歛袂還徒善游

矜所操趣淺戢長柂乘深屏輕篙曠望援深竿哀歌叩

鳴艚中川恣超忽漫若翔且翹淹泊遂所止埜風自颺

廳間急驚鱗奔蹊荒飢獸嗥入門守拘紮悽戚增鬱陶

慕士情未忘懷人首徒搔內顧乃無有德輶甚鴻毛名
竊久自欺食浮固云叨問牛悲釁鐘說音疏驚臨牢永
遁刀筆吏寧期簿書曹中興遂羣物裂壤分鞬居言切 犝
音 岷凶既云捕謂劉闢 伏誅 吳虜亦已鑿李鎬 伏誅 捍禦盛方虎
謨明富伊咎披山窮木禾駕海逾蟠桃重來越裳雉再
返西旅獒左右抗槐棘縱橫羅雁羔一作辟 咸肆宥
衆生均覆燾安得奉皇靈在宥解天弢音 歸誠慰松梓
陳力開蓬蒿卜室有鄴杜名田占灋澇磻谿近餘基阿

城連故濠暝蚌願親燎茶荳甘自蓐音飢食期農耕寒

衣俟蠶繅及骭下患足為溫滿腹寧復饗安將剗及管

功

奸誰慕梁與膏弋林歐雀鷁漁澤從鮚鯈觀象嘉素履

陳詩謝干旄方託麋鹿羣敢同騏驥槽處賤無溷濁固

窮匪淫慆踉蹌辭束縛悅懌換煎熬登年徒一作負版

從

版

興役趨代馨音目眩絕渾渾耳喧息嘈嘈茲焉畢餘命

富貴非吾曹長沙哀糺繆漢陰喰桔槔苟伸擊壤情機

事息秋豪海霧多翁鬱越風饒腥臊寧唯迫魑魅所懼

齊烹簾音蒿知螢懷褚中范叔戀繡袍伊人不可期慷慨

徒忉忉

韋道安

道安嘗佐張建封于徐州及軍亂而道安自殺

道安本儒士頗擅弓劍名二十遊太行暮聞號哭一作泣

哭泣

聲疾驅前致問有叟垂華纓言我故刺史失職還西京

偶為羣盜得毫縷無餘贏貨財足非恠二女皆娉婷蒼

黃見驅逐誰識死與生便當此殞命休復事晨征一聞

激高義皆裂肝膽橫挂弓問所徃趨捷超崢嶸見盜寒

碉陰羅列方忿爭一矢斃酋帥餘黨號且驚麾令遞東

縛縲

一作
纏

索相拄撐彼殊久褫魄刀下俟誅刑却立不

親授諭以從父行据收自擔肩轉道趨前程夜發敲石

火山林如晝明父子更抱持涕血紛交零頓首願歸貨

納女稱舅甥道安奮衣去義重利固輕師婚古所病合

姓非用兵竭來事儒術十載所能逞

必貞
功

慷慨張徐州

徐泗濠節度
使
張建封

朱邸揚前旌投軀獲所願前馬出王城

貞
元

朝道安從之轅門立竒士淮水秋風生君侯既即世

麾下相欹傾立孤抗王命鐘鼓四野鳴橫潰非所壅逆
節非所嬰舉頭自引刀顧義誰顧形烈士不忘死所死
在忠貞咄嗟徇權子翕習猶趨榮我歌非悼死所悼時
世情

哭連州凌員外司馬

凌員外準也

廢逐人所棄遂為鬼神欺才難不其然卒與大患期凌
人古受氏吳世夸雄姿寂寞富春水英氣方在斯六學
誠一貫精義窮發揮著書逾十年幽贊靡不推天庭掞

高文萬一作寓

字若波馳記室征西府宏謀耀其竒輶軒

下東越列郡蘇疲羸宛宛凌江羽來棲翰林枝孝文留

弓劒中外方危疑抗聲促遺詔定命由陳辭

德宗崩邇臣議祕五

日下遺詔準獨抗危辭言其不可乃以旦日發喪

徒隸肅曹官征賦參有司出

守烏江許老遷湟水渭高堂傾故國葬祭限囚羈仲叔

繼幽淪狂叫唯童兒

家準母卒于不得歸

一門既無主焉用徒生

為舉聲但呼天孰知神者誰泣盡目無見

準哭母喪明腎傷

足不持盃

渴合

死委炎荒臧獲守靈帷平生負國譴骸

骨非敢私蓋棺未塞責孤旐凝寒颼
念昔始相遇腑腸為君知進身齊選擇失路同瑕疵本期濟仁義今為衆
所喰滅名竟不試世義安可支恬死百憂盡苟生萬慮滋顧余九逝魂與子各何之我歌誠自慟非獨為君悲

旦攜謝山人至愚池

新沐換輕巾一作幘曉池風露一作霧清自諧塵外意況與

幽人行霞散衆山迥天高數雁鳴機心付當路聊適羲

皇情

獨覺

覺來窗牖空寥落雨聲曉良遊怨遲暮末事驚紛擾為
問經世心古人難盡了

首春逢耕者

南楚春候早餘寒已滋崇土膏釋原埜百蟄競所營綴
景未及郊墻人先耦耕園林幽鳥嘒渚澤新泉清農事
誠素務羈囚阻平生故池想蕪沒遺畝當榛荆慕隱既
有繫圖功遂無成聊從田父言款曲陳此情眷然撫耒

耜回首煙雲橫

溪居

久為簪組累幸此南夷謫閒依農圃鄰偶似山林客曉耕翻露草夜榜一作榜孔孟切響溪石來往不逢人長歌楚天

碧

夏初雨後尋愚溪

悠悠雨初霽獨繞清溪曲引杖試荒泉鮮帶圍新竹沈吟亦何事寂寞固所欲幸此息營營嘯歌靜炎燠

入黃溪聞猿

溪在永州

溪路千里曲哀猿何處鳴孤臣淚已盡虛作斷腸聲
韋使君黃溪祈雨見召從行至祠下口號

驕陽愆歲事良牧念菑畬列騎低殘月鳴笳度碧虛稍
窮樵客路遙駐人居谷口寒流淨叢祠古木疎焚香
秋霧濕奠玉曉光初朏蠻巫言報精誠禮物餘惠風仍
偃草靈雨會隨車俟罪非真吏為員外司馬故曰非真吏翻慚奉簡

書

郊居歲暮

屏居負山郭
歲暮驚離索
野迥樵唱來
庭空燒燼落世
紛因事遠心
賞隨年薄默
默諒何為徒
成今與昨

秋曉行南谷經荒村

杪秋霜露重
晨起行幽谷
黃葉覆溪橋
荒村唯古木
寒花疎寂歷
幽泉微斷續
機心久已忘
何事驚麋鹿

雨後曉行獨至愚溪北池

宿雲散洲渚
曉日明村塢
高樹臨清池
風驚夜來雨

心適無事偶此成賓主

中夜起望西園值月上

覺聞繁露墜開戶臨西園寒月上東嶺泠泠疎竹根石
泉遠逾響山鳥時一喧倚楹遂至旦寂寞將何言

零陵春望

平墮春草綠曉晚一作鶯啼遠林日晴瀟湘渚雲斷岣嶁

岑仙駕不可望世途非所任凝情空景慕萬里蒼梧陰

從崔中丞過盧少尹郊居

寓居湘岸四無鄰世網難嬰每自珍時時吏藥間庭延

國老

本草甘草名國老

開樽虛室

一作席

值賢人

泉迴淺石依高

柳逕轉垂藤間綠筠聞道偏為五禽戲出門鷗鳥更相

親

夏晝偶作

南州溽暑醉如酒隱几熟眠開北牖日午獨覺無餘聲

山童隔竹敲茶臼

雨晴至江渡

江雨初晴思遠步日西獨向愚溪渡渡頭水落村逕成
撩亂浮槎在高樹

江雪

千山鳥飛絕萬逕人蹤滅孤舟蓑笠翁獨釣寒江雪

冉溪公易其名為愚溪者是也

少時陳力希公侯許國不復為身謀風波一跌逝萬里
壯心瓦解空繩囚繩囚終老無餘事願卜湘西冉溪地
却學壽張樊敬侯種漆南園待成器

法華寺西亭夜飲

得酒字

祇樹夕陽亭共傾三昧酒
霧暗水連階月明花覆牖
莫厭尊前醉相看未白首

戲題石門長老東軒

石門長老身如夢旃檀成林手所種坐來念念非昔人
萬徧蓮花為誰用如今七十自忘機貪愛都忘筋力微
莫向東軒春埜望花開日出雉皆飛

御定全唐詩卷三百五十二

欽定四庫全書
唐詩一萬七千七百五十八集部

御定全唐詩卷三百五十三

柳宗元

茅簷下始栽竹

瘴茅葺為宇溽暑常侵肌適有重腿疾蒸鬱寧所宜東
鄰幸導我樹竹邀涼颸欣然愜吾志荷鋤西巖垂楚壤
多怪石狼鑿鑿力已疲江風忽云暮輿曳還相追蕭瑟過
極浦旛音旆乃倚附幽墀貞根期永固貽爾寒泉滋夜

牕遂不掩羽扇寧復持清泠集濃露枕簟淒已知網一

細蟲依密葉曉禽棲迥枝豈伊紛囂間重以心慮怡嘉

爾亭亭質自遠棄幽期不見野蔓草翁蔚有華姿諒無

凌寒一作雲色豈與青山辭

種仙靈毗

本草淫羊藿
即仙靈毗也

窮陋

一作巷

闢自養癘氣劇囂煩隆冬乏霜霰日夕南風

溫杖藜下庭際曳踵不及門門有野田吏慰我飄零魂

及言有靈藥近在湘西原服之不盈旬斃

蒲結

躰音皆

騰騫笑忭前即吏為我擢其根蔚蔚遂充庭英翹忽已
繁晨起自採曝杵臼通夜喧靈和理內藏攻疾貴自源
擁覆逃積霧伸舒委餘暄竒功苟可徵寧復資蘭蓀我
聞畸人術一氣中夜存能令深深息呼吸還歸跟音疎
放固難效且以藥餌論瘻者不忘起窮者寧復言神哉
輔吾足幸及兒女奔

種术

守閒事服餌採术東山阿東山幽且阻疲苶乃結煩經

過戒徒斲靈根封植闕天和違爾澗底石徹我庭中莎
土膏滋玄液松露墜繁柯南東自成欹繚繞紛相羅晨
步佳色媚夜眠幽氣多離憂苟可怡孰能知其他饗竹
茹芳葉寧慮療側界切與瘥留連樹蕙辭婉婉採薇歌悟
拙甘自足激清媿同波單音善豹且理內高門復如何

種白蘘人羊荷

血一作皿蟲化為癘夷俗多所神銜猜每腊毒謀富不為

仁蔬果自遠至盃酒盈肆陳言甘中必苦何用知其真

華潔事外飾尤病中州人錢刀恐賈害飢至益逡巡竄
伏常戰慄懷故逾悲辛庶氏一作民有嘉草攻禪事久泯

炎帝垂靈編言此殊足珍崎嶇乃有得託以全余身紛
敷碧樹陰眄睞心所親

新植海石榴

弱植不盈尺遠意駐蓬瀛月寒空堦曙幽夢綵雲生糞
壤擢珠樹莓苔插瓊英芳根悶顏色徂歲為誰榮

戲題階前芍藥

凡卉與時謝妍華麗茲晨欹紅醉濃露窈窕留餘春孤
賞白日暮暄風動搖頻夜魄藹芳氣幽臥知相親願致
漆消贈悠悠南國人

始見白髮題所植海石榴

幾年封植愛芳叢韶豔朱顏竟不同從此休論上春事
看成古木對衰翁

植靈壽木

白華照鑒一作寒水怡我適野情前趨問長老重復欣嘉

名蹇連易衰朽方剛謝經營敢期齒杖賜聊且移孤莖
叢萼中競秀分房外舒英柔條乍反植勁節常對生循
翫足忘疲稍覺步武輕安能事翦伐持用資徒行

自衡陽移桂十餘本植零陵所住精舍

謫官去南裔清湘繞靈岳晨登蒹葭岸霜景霽紛濁離
披得幽桂芳本欣盈握火耕困煙燼薪採久摧剥道旁
且不願岑嶺况悠邈傾筐壅故壤棲息期鸞鷟仕角
遠清涼宮一雨悟無學南人始珍重微我誰先覺芳意

反路

不可傳丹心徒自渥

湘岸移木芙蓉植龍興精舍

有美不自蔽安能守孤根盈盈湘西岸秋至風露繁麗
影別寒水穠芳委前軒芟荷諒難雜反此生高原

早梅

早梅發高樹迥映楚天碧朔吹飄夜香繁霜滋曉白

一作

日欲為萬里贈杳杳山水隔寒英坐銷落何用慰遠客

南中榮橘抽

橘抽懷貞質受命此炎方密林耀朱綠晚歲有餘芳殊
風限清漢飛雪滯故鄉攀條何所歎北望熊與湘熊湘二山

名

紅蕉

晚英值窮節綠潤含朱光以茲正陽一作陰色窈窕凌清

霜遠物世所重旅人心獨一作所傷回暉眺林際撼撼一作

戚無遺芳

吳公院五詠

淨土堂

結習自無始淪溺窮苦源流形及茲世始悟三空門華
堂開淨域圖像煥且繁清冷焚衆香微妙歌法言稽首
媿導師超遙謝塵昏

曲講堂

寂滅本非斷文字安可離曲堂何為設高士方在斯聖
默寄言宣分別乃無知趣中即空假名相與誰期願言
絕聞得忘意聊思惟

禪堂

發地結青茅團團抱虛白山花落幽戶中有忘機客涉
有本非取照空不待析萬籟俱緣生窅然喧中寂心境
本洞一作同如鳥飛無遺跡

芙蓉亭

新亭俯朱檻嘉木開芙蓉清香晨風遠溽彩寒露濃瀟
灑出人世低昂多異容嘗聞色空喻造物誰為工留連

秋月晏追遞來山鐘

苦竹橋

危橋屬幽徑，繚繞穿疎林。
迸籜分苦節，輕筠抱虛心。
瞰涓涓流仰聆蕭蕭吟。
差池下煙日嘲哳一作嘶鳴山禽。
諒無要津用，棲息有餘陰。

梅雨

梅實迎時雨，蒼茫值晚春。
愁深楚猿夜，夢斷越雞晨。
海霧連南極，江雲暗北津。
素衣今盡化，非為帝京塵。

零陵早春

問春從此去幾日到秦原憑寄還鄉夢殷勤入故園

田家三首

蓐食徇所務驅牛向東阡雞鳴村巷白夜色歸暮田札
札耒耜聲飛飛來鳥鳶竭茲筋力事持用窮歲年盡輸
助徭役聊就空自眠子孫日已長世世還復然

籬落隔煙火農談四鄰夕庭際秋蟲一作蛩鳴疎麻方寂

歷蠶絲盡輸稅機杼空倚壁里胥夜經過雞黍事筵席
各言官長峻文字多督責東鄉後租期車轂陷泥澤公

門少推恕鞭朴恣狼籍努力慎經營肌膚真可惜迎新
在此歲唯恐踵前跡

古道饒蒺藜紫迴古城曲蓼花被堤岸波水寒更綠是
時收穫竟落日多樵牧風高榆柳疎霜重梨棗熟行人
迷去住野鳥競棲宿田翁笑相念昏黑慎原陸今年幸
少豐無厭餧與粥

行路難三首

君不見夸父逐日窺虞淵跳踉北海超崑崙披霄決漢

出沆漭脣裂左右遺星辰湏臾力盡道渴死狐鼠蜂蟻
爭噬吞北方崢人長九寸開口抵掌更笑喧啾啾飲食
滴與粒生死亦足終天年睢盱大志小成遂坐使兒女
相悲憐

虞衡斤斧羅千山工命採斫杙音弋與椽深林土翦十取
一百牛連鞅摧雙轍萬圍千尋妨道路東西蹶倒山火
焚遺餘毫末不見保蹣蹠碉壑何當存羣材未成質已
夭突兀哮豁空巖巒柏梁天災武庫火匠石狼顧相愁

寃君不見南山棟梁益稀少愛材養育誰復論

飛雪斷道冰成梁侯家熾炭雕玉房蟠龍吐耀虎喙張

熊蹲豹躡爭低昂攢巒叢崿

五各反

射朱光丹霞翠霧飄

奇香美人四向迴明璫雪山冰谷晞太陽星躔奔走不

得一作可

止奄忽雙燕棲虹梁風臺露榭生光飾死灰棄

置參與商盛時一去貴反賤桃笙葵扇安可當

聞籍田有感

元和五年十月憲宗詔來年正月十六日東郊籍田

天田不日降皇輿留滯長沙歲又除宣室無由問釐

音禧

事周南何處託成書

跂烏詞

城上日出羣鳥飛鴟鴟爭赴朝陽枝刷毛伸翼和且樂

爾獨落魄今何為無乃慕高近白日三足妬爾令爾疾

無乃飢啼走道

一作路

旁貪鮮攫肉人所傷翹肖獨足下

叢薄口銜低枝始能躍還顧泥塗備螻蟻仰看棟梁防

燕雀左右六翮利如刀踊身失勢不得高支離無趾猶

自免努力低飛逃後患

籠鷹詞

淒風浙瀝飛嚴霜蒼鷹上擊翻曙光雲披霧裂虹蜺
斷霹靂掣電捎平岡砉切霍號然勁翮翦荆棘下攫狐兔騰

蒼茫爪毛吻血百鳥逝獨立四顧時激昂炎風溽暑忽然至羽翼脫落自摧藏草中狸鼠足為患一夕十顧驚且傷但願清商復為假拔去萬累一作里雲間翔

放鷓鴣詞

楚越有鳥甘且腴嘲嘲自名為鷄鴣徇媒得食不復慮

機械潛發羅置嗟_{音孚}_孚羽毛摧折觸籠禦煙火煽赫驚

庖厨鼎前芍藥調五味膳夫攘腕左右視齊王不忍觳

觫牛簡子亦放邯鄲鳩二子一作君得意猶念此况我萬

里為孤囚破籠展翅當遠去同類相呼莫相顧

龜背戲

長安新技出宮掖喧喧初徧王侯宅玉盤滴瀝黃金錢
皎如文龜麗秋天八方定位開神卦六甲離離齊上下
投變轉動玄機卑星流霞破相參差四分五裂勢未已

出無入有誰能知乍驚散漫無處所湏臾羅列已如故
徒言萬事有盈虛終朝一擲知勝負修門象棋不復貴
魏宮妝奩世所棄豈如瑞質耀奇文願持千歲壽吾君
廟堂巾笥非余慕錢刀兒女徒紛紛

聞黃鸝

倦聞子規朝暮聲不意忽有黃鸝鳴一聲夢斷楚江曲
滿眼故園春意生一作草緣目極一作故千里無山河麥芒際
天搖清波王畿優本少賦役務閒酒熟饒經過此時晴

煙最深處舍南巷北遙相語翻日迥度昆明飛凌風邪
看細柳翥我今誤落千萬山身同僉人不思還鄉禽何
事亦來此令我生心憶桑梓閒聲迴翹歸務速西林紫
椹行當熟

演鴻臚宅聞歌效白紵

翠帷雙卷出傾城龍劒破匣霜月明朱脣掩抑悄無聲
金簧玉磬宮中生下沈秋火激太清天高地迥凝日晶
羽觴蕩漾何事傾

楊白花

楊白花風吹渡江水坐令宮樹無顏色搖蕩春光千萬里茫茫曉日下長秋林一作哀歌未斷城鴉起

漁翁

漁翁夜傍西巖宿曉汲清湘燃楚竹煙銷日出不見人款乃音襯電一聲山水綠迴看天際下中流巖上無心雲

相逐

飲酒

今夕一作旦

少偷樂起坐開清尊舉觴音先酒者也始為酒

為一作遺

我驅憂煩湏臾心自殊頓覺天地暄連山變幽

晦綠水函晏溫藹藹南郭門樹木一何繁清陰可自庇

竟夕聞佳言盡醉無復辭偃臥有芳蓀彼哉晉楚富此

道未必存

讀書

幽沈謝世事俛默一作然

窺唐虞上下觀古今起伏千萬

途遇欣或自笑感戚亦以吁縹帙各舒散前後互相逾

瘴痾擾靈府日與往昔殊臨文乍了了徹卷兀若無竟
夕誰與言但與竹素俱倦極便一作更倒臥熟寐乃一蘇
欠伸展肢體吟詠心自愉得意適其適非願為世儒道
盡即閉口蕭散捐囚拘巧者為我拙智者為我愚書史
足自悅安用勤與劬貴爾六尺軀勿為名所驅

感遇二首

永州

西陸動涼氣驚鳥號北林棲息宣殊性集枯安可任鴻
鵠去不返勾吳阻且深徒嗟日沈酒丸鼓驚竒音東海

久搖蕩南風已駸駸坐使青天暮小星愁太陰衆情嗜
姦利居貨捐一作損千金危根一以振齊斧來相尋攬衣

中夜起感物涕盈襟微霜衆所踐誰念歲寒心

旭日照寒野鶩音豫斯起蒿萊啁啾有餘樂飛舞西陵隈

迴風旦夕至零葉委陳荄所棲不足恃鷹隼縱橫來

詠史

燕有黃金臺遠致望諸君

樂毅為望諸君

嘵嘵事強怨三歲有

奇勲悠哉闢疆理東海漫浮雲寧知世情異嘉穀坐熇

焚致令委金石誰顧蠹蠕

時充切

羣風波歟

許勿充切

潛構遺

恨意紛紜豈不善圖後交私非所聞為忠不顧內

一作顧內

晏子亦垂文

詠三良

束帶值明后顧盼流輝光一心在陳力鼎列夸四方款
款效忠信恩義皎如霜生時亮同體死沒寧分張壯軀
閉幽隧猛志填黃腸殉死禮所非況乃用其良霸基弊
不振晉楚更張皇疾病命固亂魏氏言有章從邪陷厥

父吾欲討彼狂

詠荆軻

燕秦不兩立太子已為虞千金奉短計匕首荆卿趨窮
年徇所欲兵勢且見屠微言激幽憤怒目辭燕都朔風
動易水揮爵前長驅函首致宿怨獻田開版圖炯然耀
一作曜電光掌握罔正一作匹夫造端何其銳臨事竟趨趨
長虹吐白日倉卒反受誅按劒赫憑怒風雷助號呼慈
父斷子首狂走無容軀夷城芟七族臺觀皆焚汙始期

憂患弭卒動災禍樞秦皇本詐力事與桓公殊奈何效
曹子實謂勇且愚世傳故多謬太史徵無且

掩役夫張進骸

生死悠悠爾一氣聚散之偶來紛喜怒奄忽已復辭為
役孰賤辱為貴非神奇一朝續息定枯朽無妍媸生平
勤皂櫼剗秣不告疲既死給櫕櫓葬之東山基奈何值
崩湍蕩析臨路垂骭然暴百骸一作體散亂不復支從者
幸告余睠之涓然悲猶虎獲迎祭犬馬有蓋帷佇立唁

爾魂豈復識此為畚音鏟載埋瘞溝瀆護其危我心得
所安不謂爾有知掩骼著春令茲焉適其時及物非吾
事一作輩聊且顧爾私

省試觀慶雲圖詩

設色既一作初成象卿雲示國都九天開秘祉百辟贊
嘉謨抱日依龍袞非煙近御爐高標連汗漫迥一作望
接虛無裂素榮光發舒華瑞色敷恒將配堯德垂慶代


河圖

春懷故園

九扈鳴已晚楚鄉農事春悠悠故池水空待灌園人



御定全唐詩卷三百五十三



總校官庶吉士臣張能照
校對官中書臣張 壞

謄錄監生臣倪時彥

欽定四庫全書會要

集部

御定全唐詩卷三百五十四

欽定四庫全書
唐詩卷一百五十九

集部

御定全唐詩卷三百五十四

劉禹錫

劉禹錫字夢得彭城人貞元九年擢進士第登博學宏
詞科從事淮南幕府入為監察御史王叔文用事引入
禁中與之圖議言無不從轉屯田員外郎判度支鹽鐵
案叔文敗坐貶連州刺史在道貶朗州司馬落魄不自
聊吐詞多諷託幽遠蠻俗好巫嘗依騷人之旨倚其聲

作竹枝詞十餘篇武陵谿洞間悉歌之居十年召還將
置之郎署以作玄都觀看花詩涉譏忿執政不悅復出
刺播州襄度以母老為言改連州徙夔和二州久之徵
入為主客郎中又以作重游玄都觀詩出分司東都度
仍薦為禮部郎中集賢直學士度罷出刺蘇州徙汝同
二州遷太子賓客分司禹錫素善詩晚節尤精不幸坐
廢偃蹇寡所合乃以文章自適與白居易酬復頗多居
易嘗敘其詩曰彭城劉夢得詩豪者也其鋒森然少敢

當者又言其詩在處應有神物護持其為名流推重如此會昌時加檢校禮部尚書卒年七十二贈戶部尚書詩集十八卷今編為十二卷

團扇歌

團扇復團扇奉君清暑殿秋風入庭樹從此不相見上有乘鸞女蒼蒼蟲網一作網蟲遍明年入懷袖別是機中練

宜城歌

野水繞空城行塵起孤驛荒一作臺側生樹一作柏石碣

陽鐫額靡靡度一作渡行人溫風吹宿麥

順陽歌

朝辭官軍驛前望順陽路野水齧荒墳秋蟲鏤宮一作官

樹曾聞天寶末胡馬西南驚城守魯將軍拔城從此去

莫猺一作徭歌

莫猺自生長名字無符籍市易雜鮫人婚姻通木客星
居占泉眼火種開山脊夜渡千仞谿含沙不能射

度桂嶺歌

桂陽嶺下下復高
高人稀鳥獸駭地遠
草木豪寄言千

金子知余歌者勞

插田歌并引

連州城下俯接村墟偶登郡樓適有所感遂書其事為俚歌以俟采詩者

岡頭花草齊燕子東西飛
田塍望如線白水光參差農婦白紵裙農父綠蓑衣齊唱郢一作田歌嚶儻如竹枝但聞怨響音不辨俚語詞時時一大笑此必相嘲嗤水

平苗漠漠煙火生墟落黃犬往復還赤雞鳴且啄路旁
誰家郎烏帽衫袖長自言上計吏年幼離帝鄉田夫語
計吏君家儂定諳一作記一來長安道眼大不相參計
吏笑致辭長安真大處省門高軒戎儂入無度數昨來
補衛士惟用筒竹布君看二三年我作官人去

葡萄歌

一作
蒲桃

野田生葡萄纏繞一枝高一作
萬移來碧墀下張王日日
高分岐浩縵縷脩蔓蟠詰曲揚翹向庭柯意思如有屬

為之立長檠

一作架

布濩當軒綠

一作朱

液溉其根理疎

看滲漉繁葩組綬結懸實珠璣蹙馬乳帶輕霜龍鱗曜
初旭有客汾陰至臨堂瞪雙目自言我晉人種此如種
玉釀之成美酒令人飲不足為君持一斗往取涼州收

蠻子歌

蠻語鉤輶音

一作鉤輶語

音蠻

音鉤輶

身

一作蠻

衣斑襯布熏狸

狐一作掘沙鼠時節祠盤瓠忽逢乘馬客恍若驚磨

一作驚磨

一作磨

身

一作磨

身

顧腰斧上高山意行無舊路

馬嵬行

綠野扶風道黃塵馬嵬驛路邊楊貴人墳高三四尺乃
問里中兒皆一作草言幸蜀時軍家誅戚族一作佞幸天子捨

妖姬羣吏伏門屏貴人牽帝衣低回轉美目風日為無

暉貴人飲金屑倏忽舜一作英暮一作姿

平生服杏一作古

丹顏色真如故屬車塵已遠里巷來窺覲共愛宿妝妍

君王盡看處履綦無復有履組光未滅不見巖畔人空
見凌波襪郵童愛踪跡私手解鞢結傳看千萬眼縷絕

香不歇指環照骨明首飾敵連城將入咸陽市猶得賈

胡驚

百花行

長安百花時風景宜輕薄無人不沽酒何處不聞樂春
風連夜動微雨凌曉濯紅焰出牆頭雪光映樓角繁紫
韻松竹遠黃繞籬落臨路不勝愁輕煙去何託滿庭蕩
魂魄照廡成丹渥爛漫簇顛狂飄零勸行樂時節易晚
晚清陰覆池閣惟有安石榴當軒慰寂寞

壯士行

陰風振寒郊猛虎正咆哮徐行出燒地連吼入黃茅壯士走馬去鐙前彎玉弓叱之使人立一發如鉞一作交

悍睛忽星墮飛血濺林梢彪炳為我席羶腥充我庖里中欣害除賀酒紛呶號明日長橋上傾城看斬蛟

苦雨行

悠悠飛走情同樂在陽和歲中三百日常恐一作苦一作風雨多天人信遐遠時節易蹉跎洞房有明燭無乃妨一作酣

且歌

華山歌

洪爐作高山元氣鼓其橐俄然神功就峻拔在寥廓靈
跡露指爪殺氣見稜角凡木不敢生神仙聿來託天資
帝王宅以我此一作不為關鑰能令下國人一一作見換神

骨高山固無限如此方為嶽丈夫無特達雖貴猶碌碌

拋毬樂詞

五綵繡團圓登君璫瑁筵最宜紅燭下偏稱落花前上

客如先起應須贈一船

春早見花枝朝朝恨發遲及看花落後却憶未開時幸

有拋毬樂一杯君一作更莫辭

華清詞

一作華
清宮詞

日出驪山東襄回照溫泉樓臺影

一作玲瓏稍稍開白相

煙言昔太上皇常居此祈年風中聞清樂往往來列仙翠華入五雲紫氣歸上玄哀哀生人淚泣盡弓劍前聖道本自我凡情徒顚然小臣感玄化一望青冥天

送春曲三首

春向晚春晚思悠悠哉風雲日已改

一作故
花葉自相催漠

漠空中去何時天際來

春已暮冉冉如人老映葉見殘花連天是青草可憐桃

與李從此同桑棗

春景一作竟去此去何時回遊人千萬恨落日上高臺寂

寞繁花盡流鶯歸莫來

一作不歸

初夏曲三首

銅壺方促夜斗柄暫南回稍嫌單衣重初憐北戶開西園花已盡新月為誰來

時節過繁華陰陰千萬家巢禽命子戲園果墜枝斜寂寥孤飛蝶窺叢覓晚花

綠水風初暖青林露早晞麥隴雉朝雊桑野人暮歸百

舌悲花盡平蕪

一作無聲
一作絕無

來去飛

擣衣曲

爽砧應秋律繁杵含淒風一一遠相續家家音不同戶

庭凝露清伴侶明月中長裾委襞積輕珮垂瓔汗餘
衫更馥鉢移麝半空報寒驚邊鴈促思聞候蟲天狼正
芒角虎落定相攻盈篋寄何處征人如轉蓬

畬田行

何處好畬田團團繩山腹鑽龜得雨卦上山燒臥木驚
麞走且顧羣雉一作雞聲咿嚦紅焰遠成霞輕煤一作飛
熒入郭風引上高岑獵獵度青林青林望靡靡赤光低復
起照潭出老蛟爆竹驚山鬼夜色不見山孤明星漢間

如星復如月俱逐曉風滅本從敲石光遂至烘天熱下

種暖灰中乘陽折牙

一作芽

一作孽

一作蘖

蒼蒼一雨後苔穎如

雲發巴

一作幾

人拱手吟耕耨不關心由來得地勢徑寸

有餘金

一作陰

鶲鶲吟

朝陽有鳴鳳不聞千萬祀
鶲鶲催衆芳晨間先入耳
秋風白露晞從是爾啼時
如何上春日唧唧滿庭飛

觀雲篇

興雲感陰氣疾足

一作走

如見機晴來意態行有若功成

歸葱龍舍晚景潔白

一作素

凝秋暉夜深度銀漢漠漠仙

人衣

養鷺詞并引

途逢少年志在逐獸方呼鷹隼以襲飛走因縱觀
之卒無所獲行人有常從事於斯者曰夫鷺禽飢
則為用今哺之過篤故然也予感之作養鷺詞

養鷺非玩形所資擊鮮力少年昧其理日日

一作夜

哺不

息探雛網黃口旦暮有餘食寧知下轡時翅重飛不得
梧槐止林表狡兔自南北飲啄既已盈安能勞羽翼

別友人後得書因以詩贈

前時送君去揮手青門橋路轉不相見猶聞馬蕭蕭今
得出關書行程一作日已遙春還遲君至共結一作芳

纈

蘭苔

送華陰尉張蒼赴邑府使幕

張即燕公之孫
頃坐事除名

昔忝南宮郎往來東觀頻嘗披燕公傳聳若窺三辰翊

聖崇國本像一作保 賢正朝倫高視緬今古清風夏無鄰

蘭錡照通衢一家十朱輪鄼國嗣侯絕韋卿世業貧夫

子承一作成

大名少年振芳塵青袍仙掌下矯首凌煙旻

公治本非罪潘郎一為民風霜苦搖落堅白無繙磷

一旦逢良時天光燭幽淪重為長裾客佐彼觀風臣分野

窮禹畫人煙過虞巡不言此行遠所樂相知新雨起巫

山陽鳥鳴湘水濱離筵出蒼莽別曲多悲辛今朝一杯

酒明日千里人從一作彼此孤舟去悠悠天海春

送湘陽熊判官孺登府罷歸鍾陵因寄呈江西

襄中丞二十三兄

射策志未就從事歲云除篋留馬卿賦袖有劉弘書忽見夏木深悵然憶吾廬復持州民刺歸謁專城居君家誠易知勝絕傾里間人言北郭生門有卿相輿鍾陵靄一作
靄千里帶郭西江水朱檻照河宮旗亭綠雲裏前年

一作
來初缺守慎簡由宸宸臨軒弄郡章得人方付此是

時左馮翊天下第一理貴臣持牙璋優詔發青紙迎風

姦汚一作

吏免先令疲人喜何武効腐儒陳蕃禮高士昔

升君子堂腰下綬猶黃

中丞時為萬年尉

汾陰有寶氣赤堇多

奇一作光

鉢束簡下曲臺佩鞬來歷陽綺筵陪一笑蘭室

襲餘芳風水忽異勢江湖遂一作遽

相忘因君倘一作忽

借

問為話老滄浪

自註中丞為博士製相國柳宜城謚議識者踵之頃授予以其本厥後牧和州

節度使杜司徒以中丞材譽俱高欲令軍裝以重戎府

故授以本州團練使滿座觀腰鞬禮成驩甚相視而笑

後房燕樂卜夜縱談予忝司徒之賓時獲末坐初中丞

自尚書毛田員外郎出守踵其武者今給事中穆公代

給事者右丞段公予不佞繼

右丞之後故曰襲餘芳焉

送韋秀才道冲赴制舉

驚禽一辭巢棲息無少安秋扇一離手流塵蔽霜紈故

侶不可追涼風日已寒遠逢杜陵士別盡平生歡逐客

無印綬楚江多芷蘭因居暇時遊

一作君時暇遊

長鋏不復彈

閱書南軒霽

一作際

絇瑟清夜闌萬境身外寂一杯腹中

寬伊昔立宗朝冬卿冠鴛鸞肅穆升內殿從容領儒

一作

頂高冠游夏無措詞陽秋垂不刊至今羣玉府學者空縱

觀世人希德門揭若攀峰巒之子尚明訓鏘如振琅玕

一旦西上書斑衣拂征鞍荆臺宿暮雨漢水浮春瀾君
門起天中多士如星攢煙霞覆雙闕抃舞羅干官清漏
滴銅壺仙厨下雕槃一作盤熒煌仰金榜錯落濡飛翰古
來才傑士所嗟遭時難一鳴從此始相望青雲端

送李策秀才還湖南因寄幕中親故兼簡衡州

呂一作李八郎中

深春風日淨晝長幽鳥鳴僕夫前致詞門有白面生攝
衣相問訊解帶坐南榮端志見眉睫苦一作芳言發精誠

因出懷中文調孤詞亦清悄如促柱弦掩抑多不平乃

言本蜀士世降岷山靈前人秉藝文高視來上京曳綬

司徒府所從信國楨析

一作折

薪委寶

一作空

林善響

鑑家

難
一作聲何處翳附郭幾人思邸成

一作城

雲天望喬木

風

水悲流萍前與計吏西始列貢士名森然就筆札從試

春官卿帝城歧路多萬足伺

一作俟

晨星茫茫風塵中工

拙同有營寒女勞夜織山苗榮寸莖侯門方擊鍾衣褐

誰將迎弱羽果摧頹壯心鬱怦怦諒無蟠木容聊復蓬

累行一作生

昨日訊靈龜繇言利艱貞當求捨拔中必在

審已明誓將息薄遊焦思窮筆精時蘭在幽渚安得揚

芬馨曰一作嗟

余摧落者散質負華纓一聆苦辛詞再動

伊鬱情身棄言不動愛才心尚一作上

驚恨無羊角風使

爾化北溟論罷情益親涉旬忘歸程日攜邑中客閒眺

江上城晝憩命金罍宵談轉璿衡薰一作蕙

風香塵尾月

露濡桃笙忽被戒羸驂薄言事南征火雲蔚千里旅思

浩已盈湘江含碧虛衡嶺浮翠晶豈伊山水異適與人

事并油幙似一作昆丘粲然疊瓊瓊庾樓見清月孔坐

多綠醞復有衡山守本自雲龍庭

一作抗志

一作在靈亭至和

府發越侔咸英一揮

一作麾

出滎陽惠彼嗟嗟珉隼旛辭

灞水居者皆涕零惟昔與伊人交歡經

一作在宿齡

一從

雲雨散滋我鄙吝萌北渚不堪愁南音誰復聽離憂若

去水浩漾無時停嘗聞祝融峰上有神禹銘古石琅玕

姿秘文螭虎形聖功奠遠服神物擁休禎賢人在其下

彷彿疑蓬瀛君行歷郡齋大袂拂雙旌飾容遇朗鑒肝

高可以呈昔日馬相如臨邛坐盡傾勉君刷羽翰蚤取
凌青冥

送張盥赴舉詩并引

古人以偕受學為同門友今人以偕升名為同年
友其語熟見縉紳者皆道焉余與張盥為丈人由
是道也曩吾見爾之始生以老成為祝今吾見爾
之成人以未立為憂吾不幸向所謂同年友當其
盛時聯袂齊鑣亘絕九衢若屏風然今來落落如

曙星之相望昔日會合不煩異席可長太息哉然
而尚書右丞衛大受兵部侍郎武廷碩二君者當
時偉人咸萬夫之望足以訂十朋之多也第如京
師無騷騷爾無忻忻爾時秋也吾為若叩商之謳
幸有感夫二君子

爾生始懸弧我作座上賓引箸舉湯餅祝詞天麒麟今
成一丈夫坎坷愁風塵長裾來謁我自號廬山人道舊
與撫孤悄然傷我神依依見眉睫嘿嘿含悲辛永懷同

年友追想出谷晨三十二君子齊飛凌煙旻一作冥曲江

一會時後會已凋淪況今三十載閱世難重陳盛時一

已過來者日日新不如搖落樹重有明年春火後見琮

璜霜餘識松筠肅風一作機乃獨秀武部一作抱亦絕倫爾

今持我詩西一作兩見二重臣成賢必念舊保貴一作節在

安貧清時為丞郎氣力侔陶鈞乞取斗升水因之雲漢

津

和州送錢侍御自宣州幕拜官便於華州觀省

五綵繡衣裳當年正相稱春風舊

一作

關路歸去真多

興蘭陔行可採蓮府猶回瞪楊家紺帳迎

侍御即王謝

守瑤華贈

宣州崔相公有詩贈行

御街草泛艷臺柏煙含凝

一作曉

曾是平生

一作遊主者留

無因理歸乘

送僧方及南謁柳員外

并序

九江僧方及既出家依匡山一時中頗屬詩以攄思古詩人暨今號為能賦有輒求其詞吟呻之拳拳然多多益嗜影不出山者十年嘗登最高峰四

望天海冲然有遠遊之志頓錫而言曰神馳而形
閑者方內之徒及吾無方閑於何者由是耳得必
目探之意行必身隨之雲遊鳥企無迹而遠予為
連州居無何而方及至出械中詩一篇以貺予其
詞甚富留一歲觀其行結矩如教益多之一旦以
行日來告且曰雅聞鳥味之下有賢諸侯願躋其
門如蹈十地敢乞辭以抵之予唯而賦顧其有重
請之色見於顏間耳

昔事一作日廬山遠精舍虎溪東朝陽照瀑水樓閣虹霓

中騁望羨游雲振衣若秋蓬舊房閉松月遠思吟江風

古寺歷頭陀奇峰扳一作攀祝融南登小桂嶺却望歸塞

鴻衣襥貯文章自言學雕蟲搶榆念陵厲覆簣圖一作而

穹崇遠郡多暇日有詩訪禪宮石門聳一作崇峭絕竹院

舍空濛幽響滴巖溜晴芳飄野叢海雲懸颶母山果屬

徂援一作徂公忽憶吳興郡白蘋正葱蘠願言挹風采邈若

窺華嵩桂水夏瀾急火山宵一作燒焰紅三衣濡茵露一

錫飛煙空勿謂翻譯徒不為文雅雄古來賞音者樵爨
得孤桐

按祖公宜斤賦茅者而越絕書有援公張衡賦
南都有援父長嘯之句錄是而言謂援為公舊

矣

送惟良上人

并引

以貌窺天者曰乾然健單于然而高以數迎天者
曰其用四十有九天果以有形而不能脫乎數立
象以推筭既成而遺之古所謂神交造物者非空
言耳軒皇受天命其佐皆聖人故得之惟唐繼天

德如黃帝有外臣一行亦聖之徒與刊歷考元書
成化去今丹徒人惟良生而能知非自外求以乾
坤之策當十期之數凝神運指上感驪次視亥黃
溟涬無倪有常絕機泯知獨以神會數起於復之
初九音生於黃鍾之宮積微本隱言與化合夫天
人之數極而含變變而靡不通神趨鬼懾不足駭
也惟良得一行之道故亦慕其為外臣謬謂余為
世間聰明子子來訪初以說合至於不言言息而

理冥復申之以嗟嘆曰師其庶幾乎信神與之而
不能測神之所以付信術通之而不能知術之所
以淺哉余聞乎曾井蛙醯雞之不若也長慶四年
冬十一月甲子語至夜艾遂為詩以志焉

高齋灑一作映寒水是夕山僧至玄牝無關鎖瓊書捨一作
拾文字燈明香滿室月午霜凝地語到不言時世間人

盡一作睡

自

翠微寺有感

吾王昔遊幸離宮雲際開朱旗迎夏早一作畢涼軒避暑

來湯餅賜都尉寒冰頌上才龍髯一作顔不可望玉座生

塵埃

觀柘枝舞二首

胡服何歲羈僂僂

一作姬

登綺墀神麌獵紅蕖龍燭映

一作作

然金枝垂帶覆纖腰安鉢當嫋眉翹袖中繁鼓傾眸遡

華棗燕秦有舊曲淮南多冶詞欲見傾城處君看赴節

時

山雞臨清鏡石燕赴遙津何如上客會長袖入華裯體
輕似無骨觀者皆聳神曲盡回身處一作去層波猶注人

連州臘日觀莫徭獵西山

海天殺氣薄蠻軍步一作部

伍囂林紅葉盡變原黑草初

燒園合繁鉢息禽興大旆搖張羅依道口嗾犬上山腰

猜鷹慮奮迅驚鹿一作磨

時跕跳瘴雲四面起臘雪半空

消箭頭餘鵠血鞍傍見雉翹日暮還城邑金笳發麗譙

寄陝州姚中丞

時分司東都

八月天氣肅二陵風雨收旌旗闕下來雲日闢東秋禹
跡想前事漢臺餘故丘徘徊襟帶地左右帝王州留滯
悲昔老恩光榮徹侯相思望棠樹一寄商聲謳

奉酬湖州崔郎中見寄五韻

山陽昔相遇灼灼晨葩鮮同遊翰墨場和樂墳篪然一
落名宦途浩如乘風船行當衰暮日卧理淮海邊一作
襦猶期謝病後共樂桑榆年

學阮公體三首

少年負志氣信道不從時只言繩自直安知室可欺百
勝難慮敵一作慮
無敵三折乃良醫人生不失意焉能慕知
幾

朔風悲老驥秋霜動鶩禽出門有遠道平野多層陰滅
沒馳絕塞振迅拂華林不因感衰節安能激壯心

昔賢多使氣憂國不謀身目覽千載事心交上古人侯
門有仁義靈臺多苦辛不學腰如磬徒使齟生塵

秋晚題湖城驛池上亭

秋次池上館林塘照南榮塵衣紛未解幽思浩已盈風
蓮墜故萼露菊舍晚英恨為一夕客愁聽晨雞鳴

賈客詞 幷引

五方之賈以財相雄而鹽賈尤熾或曰賈雄則農
傷予感之作是詞

賈客無定遊所遊惟利并眩俗雜良苦乘時取重輕心

計析秋毫搖一作捶鉤侔懸衡錐刀既無棄轉化日已盈

邀一作徼福禱波神施財遊化城妻約雕金釧女垂貫珠

纓高貲比封君奇貨通倅卿趨時鷺鳥思藏鑑盤龍形
大船浮通川高樓次旗亭行止皆有樂闌染自似一作無
征農夫何為者辛苦事寒耕

調瑟詞并引

里有富豪翁厚自奉養而嚴督臧獲力屈形削猶
役之無執極一無極字一旦不堪命亡者過半追亡者
亦不來復翁頹沮而追昧非之莫及也予感之作

調瑟詞

調瑟在張弦弦平音自足朱弦二十五缺一不成曲美
人愛高張瑤軫再三促上弦雖獨響下應不相屬日暮
聲未和寂寥一枯木却顧膝上弦流淚難相續

讀張曲江集作并引

世稱張曲江為相建言放臣不宜與善地多徙五
溪不毛之鄉及今讀其文自內職牧始安有瘴癘
之歎自退相守荆門有拘囚之思託諷禽鳥寄詞
草樹鬱然有騷人風嗟夫身出於遐陬一失意而

不能堪矧華人士族而必致醜地然後快意哉議者以曲江為良臣識胡鵠有反相羞凡器與同列密啓廷爭雖古哲人不及而燕翼無似終為餒魂豈忮心失恕陰謫最大雖二美莫贖耶不然何袁公一言明楚獄而鍾祉四葉以是相較神可誣乎予讀其文因為詩以弔

聖言貴忠恕至道重觀身法在何所恨色相一作傷斯為仁良時難久恃陰謫豈無因寂寞韶陽廟魂歸不見人

偶作二首

終朝對尊酒嗜興非嗜甘終日偶衆人縱言不縱談世情閒靜見藥性病多諳寄謝嵇中散予無甚不堪

萬卷堆牀書學者識其真萬里長江水征夫渡要津養生非但藥悟佛不因人燕石何須辨逢時即至珍

昏鏡詞

鏡之工列十鏡於賈奩發奩而視其一皎如其九

霧如或曰良苦一作惜之不侔甚矣工解頤謝曰非

不能盡良也蓋賈之意惟售是念今夫來市者必

歷鑒

一作覽

周睞求與己宜彼皎者不能隱芒杪之

瑕非美容不合是用什一其數也余感之作昏鏡

詞

昏鏡非美金漠然喪其晶

一作精

陋容多自欺謂若他鏡

明瑕疵既一作闇

闇

不見妍態隨意生一日四五照自言美

傾城飾帶以紋一作綺

繡裝匣

以瓊瑛秦宮豈不重非適

乃為輕

詠古二首有所寄

車音想轔轔不見綦下塵可憐平陽第歌舞嬌青春金
屋容色在文園詞賦新一朝復得幸應知失意人

寂寥

一作冥

照鏡臺遺基

古南陽

一作方

真人昔來遊

翠

鳳相隨翔目成在桑野志遂貯椒房豈無三千女初心

不可忘

磨鏡篇

流塵翳明鏡歲久看如漆門前負局人一作為我一磨生為我一磨

拂萍開綠池滿暈盡金波溢白日照空心圓光走幽室
山神妖氣沮野魅真形出却思未磨時瓦礫來唐突

御定全唐詩卷三百五十四

欽定四庫全書
欽定全唐詩卷三百五十五

集部

御定全唐詩卷三百五十五

劉禹錫

登司馬錯古城

秦昭王命錯征五溪
蠻城在武陵沅江南

將軍將

一作實
秦師一作帥

西南奠遐服故壘清江上蒼烟

晦

一作昧

喬木登臨直蕭辰周覽壯前躅整平陳葉滿墉

高秋蔓綠廢井抽寒菜

毀臺生魯一作穀

耕人得古器

宿雨多遺鏹

楚塞鬱重疊蠻溪紛詰曲留此數仞基幾

人傷遠目

一作傷
送目

謁柱山會禪師

我本山東人平生多感慨弱冠遊咸京上書金馬外結交當世賢馳聲溢四塞勉修貴及早狃捷一作健不知退

錙銖揚芬馨尋尺招瑕類淹留郢南都一作鄙摧頽羽翰

碎安能咎往事且欲去沈痼吾師得真如寄在人寰內

哀我墮名網有如翾飛輩瞳瞳揭智燭照使出昏昧靜見玄關啓歆然初心會夙尚一何微今得信可大覺路

明證入便門通懺悔悟理言自忘處屯道猶泰色身豈

吾寶慧性非形礙思此靈山期未卜一作來何年載

臥病聞常山旋師策勲宥過王澤大洽因寄李

六侍郎

一作御

寂寂重寂寂病夫卧秋齋夜蛩思幽壁槁葉鳴空堦南
國異氣候火旻尚昏霾瘴煙跕飛羽沴氣傷百骸昨聞
凱歌旋飲至酒如淮無戰陋丹水垂仁輕橐街清廟既
策勲圓丘俟燔柴車書一以混幽遠靡不懷逐客顚願

久故鄉雲雨乖禽魚各有化予欲問齊諧

善卷壇下作

在桂山上

先生見堯心相與去

一作公

九有斯民既已治我得安林

數道為自然貴名是無窮壽瑞壇

一作臺

在此山識者常

回首

武陵觀火詩

楚鄉祝融分炎火常為虞是時直突煙發自晨炊徒盲
風扇其威白晝曛陽鳥操綆不暇汲循牆還

一作寧避踰

怒如列缺光迅與芬一作輪俱聯延掩四遠一作赫奕

夢

御定全唐詩

卷三百五十五

三

成洪爐淘疑雲濤翻颯若鬼神趨當前迎焮旆是物同

膏腴金烏入梵天赤龍遊玄都騰煙透窓戶飛焰生樂

櫨火山摧半空星雨灑中衢瑤壇被髹漆寶樹攢珊瑚

光一作縣

與琴焦

一作

琴

一作

旗亭

無酒濡市人委百貨邑令

焦

琴

旗亭

無酒濡市人委百貨邑令

遺雙鳬餘勢下隈隩長熛烘舳艤吹焚一作熒

熒

水府災

浪愁天吳災罷雲日晚心驚視聽殊高灰辨廩庾黑土

連闔闔衆燼合星羅遊氛鑠人膚厚地藏宿熱遙林呈

驟枯火德資生人庸可一日無御之失其道敲石彌天
隅晉庫走龍劒吳宮傷燕雛五行有沴氣先哲垂訐謨
宋鄭同日起時當賢大夫無苛自可樂弭患非所圖賢
守恤人瘼臨煙駢驪駒弔場一作傷色慘忸一作怛顏一作喧

失詞劬渝下令蠲里布指期輕市租閑垣適未立苫蓋
自相娛山木行剪伐江泥宜墐途一作塗邑一作魯臣不必

曾一作冀何用徵越巫

崔元受少府自貶所還遺山薑花以詩答之

故人博羅尉遺我山薑花採從碧海上來自謫仙家雲

濤潤孤根陰火照晨葩靜搖扶桑日豔對瀛洲霞世人

愛

一作受

芳

一作苦

辛

寥

忘

幽

遐

傳

名

入

帝

里

飛

驛

辭

天涯

王濟

本尚味

石崇方

鬪奢雕

堆

盤多不識

綺席

乃

增華驛

馬損筋骨

貴人滋齒牙

顧予藜藿士

持此重咨

一作嗟

空歎

途中早發

馬踏塵上霜月明江頭路行人朝氣銳宿鳥相辭去流

水隔遠村漫山多紅樹悠悠關塞內往來

一作來往

無閒步

和董庶中古散調詞贈尹果毅

昔聽東武吟壯年心已悲如何今濩落聞君辛苦辭言
有窮巷士弱齡頗尚奇讀得玄女符生當事邊時借名

遊俠窟結客幽并兒往來長楸

一作秋

間能帶雙鞬馳崩

騰天寶末塵暗燕南

一作幽

垂燿火入咸陽詔徵神武師

是時占軍幕插羽揚金羈萬夫列轅門觀射中戟支誓

當雪國讐親愛從此辭中宵倚長劍起視蚩尤旗介馬

晨蕭蕭陣雲竟天涯陰風獵

一作列

白草旗槊光參差勇

氣貫中腸視身忽如遺生

一作曾

擒白馬將虜騎不敢追

貴臣上戰功名姓隨意移終歲肌骨苦他人印纍纍謁

者既清宮諸侯各罷戲上將賜甲第門戟不可窺皆血

下沾襟天高問無期却尋故鄉路孤影空相隨行逢里

中舊僕邀

宿

昔所嗤一言合侯王腰佩黃金龜問我

何自苦可憐真數奇遲回顧徒御得色懸雙眉翻然悟

世途撫已昧所宜田園已蕪沒流浪江海湄鴟禽毛翮

摧不見翔雲

一作高翔

姿衰容蔽逸氣子子無人知寂寞草

立徒長吟下書帷為

一作聞

君發哀韻若扣

一作樂

瑤林枝

有客識其真潺湲涕交頤飲

一作勸

爾一杯酒陶然足自

怡

望衡山

東南倚蓋卑維嶽資柱石前當祝融居上拂朱鳥翻青
冥結精氣磅礴宣地脉還聞膚寸陰能致彌天澤

遊桃源一百韻

沅江清悠悠連山鬱岑寂回流抱絕巘皎鏡含虛碧昏

旦遞明媚煙嵐分委積香蔓垂綠潭暴龍照孤磧

山下名

綠蘿磧
名慕龍淵明著前志子驥思遠蹠事見陶先生本記寂寂無何

鄉密爾天地隔金行太元歲漁者偶探蹠尋花得幽踪

窺洞穿閭隙依微聞雞犬豁達值阡陌居人互將迎笑語如平昔廣樂雖交奏海禽心不憚揮手一來歸故溪

無處覓綿綿五百載市朝幾遷革有路在壺中無人知

地脉皇家感至道聖祚自天錫金闕傳本枝玉函留寶

歷禁山開秘宇復戶潔靈宅

詔隸二十戶免徭以奉灑埽

藥檢香氛

氤熙壇煙羃羃我來塵外躅瑩若朝星析崖轉對翠屏

水窮留畫鷗三休俯喬木千級扳峭壁旭日聞撞鐘絲

雲迎躡屐遂登最高頂縱目還楚澤平湖見草青遠岸

連霞赤幽尋如夢想綿思屬空閑夤緣且忘疲耽玩近

成癖清緩伺曉發瑤草凌寒坼祥禽舞葱龍珠樹搖均

璫一作的羽人顧我笑勸我稅歸輶覽裳何飄颻童顏潔

白皙重巖是藩屏馴鹿受羈豹樓居彌通一作清霄蘿萬

成翠帝仙翁遺竹杖王母留桃核姹女飛丹砂青童護
金液寶氣浮鼎耳神先生劒脊虛無天樂來僊寧鬼兵
役丹丘肅朝禮玉札工紬繹枕中淮南方牀下阜鄉烏
明燈坐遙夜幽簫聽淅瀝因話近世仙聳然心神惕乃
言瞿氏子骨狀非凡格往事黃先生羣兒多侮劇一
作警

然不屑意元氣貯肝膈往往游不歸洞中觀博奕言

高未易信猶復加訶責一旦前致辭自云仙期迫言師
有道骨前事常被謫如今三山上名字在真籍悠然謝

主人後歲當來覩言畢依庭樹如煙去無跡觀者皆失
次驚追紛絡繹日暮山徑窮松風自蕭槭適逢脩蛇見
瞋目光激射如嚴三清居不使恣搜索惟餘步網勢八
趾在沙礫至今東北隅表以壇上石列仙徒有名世人
非目擊如何庭廡際白日振飛翩洞天豈幽遠得道如
咫尺一氣無死生三光自遷易因思人間世前路何狹
一作窄一
翕開性靜本同和物牽成阻阨是非鬪方寸葷血昏精

秋 瞽然此生中善祝期滿百大方播羣類秀氣肖

魄遂令多夭傷猶喜見斑白喧喧車馬馳苒苒桑榆夕
共安緹繡榮不悟泥途適紛吾本孤賤世業在逢掖九
流宗指歸百氏旁擴旛公卿偶慰薦鄉曲繆推擇居安
白社貧志傲玄纁辟功名希自取簪組俟揚歷書府蚕
懷鉛射宮曾發的起草香生帳坐曹烏集柏賜燕聆簫
韶侍祠閥琮璧嘗聞履忠信可以行蠻貊自述一作希
迷古心妄恃干時畫巧言忽成錦苦志徒食蘖平地生峰
巒深心有矛戟層波一震盪弱植忽淪溺北渚弔靈均

長岑思亭伯禍來昧幾兆事去空歎息塵累與時深流
年隨漏滴才能疑木鴈報施迷夷跖楚奏繫一作鍾儀
商歌勞甯戚稟生非懸解對鏡方感激自從嬰網羅每

事問龜策王正降雷雨環玦賜遷斤儻伏一作復夷平人

誓將依羽客買山構精舍領徒開講席冀無身外憂自

有閑中益道芽期日就塵慮乃冰釋且欲遺姓名安能

慕竹帛長生尚學致一溉一作暨宜虛擲芝朮資餕糧煙

霞拂巾幘黃石履看墮洪崖肩可拍聊復嗟蜉蝣何煩

哀虺蜴青囊既深味瓊葩亦屢摘縱一作蹤無西山資一作
姿猶免長戚戚

客有為余話登天壇遇雨之狀因以賦之

清晨登天壇半路逢陰晦疾行穿雨過却立視雲胥白
日照其上風雷走於內混濛雪海翻槎牙玉山碎蛟龍
露鬚鬚神鬼含變態萬狀互生滅百音以繁會俯觀羣
動靜始覺天宇大山頂自晶一作澂明人間已霧靄豁然
重昏歛渙若春冰潰反照入松門瀑流飛縞帶遙光泛

卷三十五
物色餘韻吟天籟洞府撞仙鐘村墟起夕靄却見山下
侶已如迷世代問我何處來我來雲雨外

秋江早發

輕陰迎曉日霞霽秋江明草樹含遠思襟懷有餘清凝
睇萬象起朗吟孤憤平渚鴻未矯翼而我已遐征因思
市朝人方聽晨雞鳴昏昏戀衾枕安見元氣英元氣二
字一作
天納爽耳目變玩奇筋骨輕滄洲有奇趣浩然一作
蕩

將行

有僧言羅浮事因為詩以寫之

君言羅浮上容易見九琅漸高元氣壯洶湧來翼身夜宿最高峰瞻望浩無鄰海黑天宇曠星辰來逼人是時當朏魄陰物恣騰振日光吐鯨背劒影開龍鱗倏若萬馬馳旌旗聳竚淪又如廣樂奏金石含悲辛疑其有巨靈怪物盡來賓陰陽迭用事乃俾夜作晨咿喔天雞鳴扶桑色晰晰赤波千萬里湧出黃金輪下視生物息霏如隙中塵醯雞仰甕口亦謂雲漢津世人信耳目方寸

度大鈞安知視聽外怪愕不可陳悠悠想大方此乃枯

水濱知小天地大安能識其真

裴祭酒尚書見示春歸城南一作東青松塢別墅

寄王左丞高侍郎之什命同作

蚤宦聞人事晚

一作曉懷生道機時從學省出獨望郊園

歸野約度春水山花映巖扉石頭解金章林下步綠薇
青松鬱成塢脩竹盈尺圍吟風起天籟蔽日無炎威危

徑盤羊腸連蹇躋輦飛幽谷響樵斧澄潭一作江環釣磯

因高見帝城冠蓋揚光輝白雲難持寄清韻投所希二

公如長離

一作鳳離

比翼翔太微

舍情謝林壑酬贈駢

一作唱進

珠璣顧予久郎

一作即

潛愁寂對芳菲一聞丘中趣再撫

黃金徽

一作撫金徽

聽

和河南裴尹侍郎宿齋天平寺詣九龍祠祈雨二十韻

有事九龍廟潔齋梵

一作夢

王祠玉簫何時絕碧樹空涼

颶吏散埃塙息月高庭宇宜重城肅穆閉澗水潺湲時

人稀夜復閒慮靜境亦隨緬懷斷鰲足凝想乘鸞姿朱
明盛農節膏澤方愆期瞻言五靈瑞能救百穀萎咿喔
晨雞鳴闌干斗柄一作杓垂修容謁神像注意陳正詞驚

颺起泓泉若調

一作召

雷雨師黑煙聳鱗甲灑液如棼絲

豐隆震天衢列缺揮火旗炎空忽淒緊高雷懸綆糜生
物已霧靄濕雲稍離披丹霞啓南陸白水舍東菑熙熙
飛走適藹藹草樹滋浮光動宮觀遠思盈川城吳公敏
於政謝守工為詩商山有病客言賀舒龐眉

冬夜宴河中李相公中堂命箏歌送酒

朗朗一作鶗鴂雞弦琅琅華堂夜多思簾外雪已深座中人半醉翠蛾發清響曲盡有餘意酌我莫憂狂老來無逸氣

重至衡陽傷柳儀曹

并引

元和乙未歲與故人柳子厚臨湘水為別柳浮舟適柳州余登陸赴連州後五年余從故道出桂嶺至前別處而君沒於南中因賦詩以投弔

憶昨與故人湘江岸頭別我馬映林嘶君驅轉山滅馬

嘶循古道驅滅如流電千里江離春故人今不見

謫居悼往二首

邑邑

一作
悒悒

何邑邑長沙地卑濕樓上見春多花前恨風

急猿愁腸斷叫鶴病翹趾立牛衣獨自眠誰哀仲卿泣

鬱鬱何鬱鬱長安遠如日終日念鄉關燕來鴻復還潘

岳歲寒思屈平顙頷顏殷勤望歸路無雨即登山

有獮吟

有獮得嘉魚自謂天見憐先祭不敢食捧鱗望青玄人

立寒沙上心專眼悄悄一作脰
漁翁以為妖舉塊投其

着肩

咽呼兒貫魚歸與獮同烹煎關關黃金鷄大翅搖江煙

下見盈尋魚投身擘洪連

一作連

攫擎隱鱗去哺雛林岳

巔鴟鳥欲伺隙遙噪莫敢前長居青雲路彈射無由緣

何地無江湖何水無鮪鱣天意不宰割菲祭徒虔虔空

餘知禮重載在淹中篇

白太守行

聞有白太守拋一作棄官歸舊谿蘇州十萬戶盡作嬰兒

啼太守駐行舟閻門草萋萋揮袂謝啼者依然兩眉低
朱戶非不崇我心如重狴華池非不清意在寥廓栖夸
者竊所一作在 怪賢者默思齊我為太守行題在隱起珪

樂天寄洛下新詩兼喜微之欲到因以抒懷也
松間風未起萬葉不自吟池上月未來清輝同夕陰宮
徵不獨運埙篪自相尋一從別樂天詩思日已沈吟君
洛中作精絕百鍊金乃知孤鶴情月露為知音微之從
東來威鳳鳴歸林羨君先相見一豁平生心

月夜憶樂天兼寄微之

一作月夜寄
微之憶樂天

今宵帝城月一望雪相似遙想洛陽城清光正如此知君當此夕亦望鏡

一作臨湖水展轉相憶心月明

一作千明月

十 一作萬里

早夏郡中書事

水禽渡殘月飛雨灑高城華堂對嘉樹簾廡舍曉清拂鏡整危冠振衣步前楹將吏儼成列簿書紛來繁言下辨曲直筆端破交爭虛懷詢病苦懷律操剽輕閣吏告

無事歸來解箬纓高簾覆朱閣忽爾聞調笙

調樂天七月一日夜即事見寄

夜樹風韻清天河雲彩輕故苑多露草隔城聞鶴鳴搖落從此始別離含遠情聞君當是夕倚瑟吟商聲外物豈不足中懷向誰傾秋來念歸去同聽嵩陽笙

令狐相公見示贈竹二十韻仍命繼和

高人必愛竹寄興良有以峻節可臨戎虛心宜待士衆芳信妍媚威鳳難棲止遂於鼙鼓間移植東南美封以

梁國土澆之浚泉水得地色不移凌空勢方起新青排
故葉餘粉籠疎理猶復隔牆藩何因出塵滓茲辰去前
蔽永日勞瞪視槭槭林已成熒熒玉相似規摹起心匠
洗滌在頤指曲直既瞭然孤高何卓爾垂稍覆內屏遊
筭侵前祀妓席拂雲鬢賓階廕珠履抱琴恣閒翫執卷
堪斜倚露下懸明璫風來韻清徵堅貞貫四候標格殊
百卉歲晚當自知繁華豈云比古詩無贈竹高唱從此
始一聽清瑤音崢然長在耳

和令狐相公晚泛漢江書懷寄洋州崔侍郎閻
州高舍人二曹長

雨過遠山出江澄暮霞生因浮濟川舟遂作適野行郊
樹映緹騎水禽避紅旌田夫捐畚鍤織婦窺柴荆古岸
夏花發遙林晚蟬清沿洄方覩境鼓角已登城部內有
良牧望中寄深情臨觴念佳期泛瑟動離聲寂寞一病
士夙昔接羣英多謝謫仙侶幾時還玉京

和樂天洛城春齊梁體八韻

帝城宜春人遊人喜意長草生季倫谷花出莫愁坊斷
雲發山色輕風漾水光樓前戲馬地樹下鬪雞場白頭
自為侶綠酒亦滿觴潘園觀種植謝墅閱池塘至閒似
隱逸過老不悲傷相問焉功德銀黃遊故鄉

洛中早春贈樂天

漠漠復靄靄半晴將半陰春來自何處無迹日以深韶
嫩冰後木輕盈煙際林藤生欲有託柳弱不自任花意
已含蓄鳥言尚沉吟期君當此時與我恣追尋翻愁爛

漫後春暮却傷心

和樂天讌李周美中丞宅池上賞櫻桃花

櫻桃千萬枝照耀如雪天王孫讌其下隔水疑神仙宿露發清香初陽動暄妍妖姬滿髻挿酒客折枝傳同此賞芳月一作日幾人有華筵杯行勿遽辭好醉逸三年

訓樂天聞新蟬見贈

碧樹鳴蟬後煙雲改容光瑟然引秋氣芳草日夜黃夾道喧古槐臨池思垂楊離人下憶淚志士激剛腸昔聞

阻山川今聽同匡牀人情便所遇音韻豈殊常因之比
笙竽送我遊醉鄉

和樂天秋涼閒卧

暑退人體輕雨餘天色改荷珠貫索斷竹粉殘粧在高
僧掃室請逸客登樓待槐柳漸蕭疎閒門少光彩

酬樂天詠老見示

人誰不願老老去有誰憐身瘦帶頻減髮稀冠自偏廢
書緣惜眼多炎為隨年經事還諳事閱人如閱川細思

皆幸矣下此便翛然莫道桑榆晚微一作霞尚滿天

歲夜詠懷

彌年不得意新歲又如何念昔同遊者而今有幾多以
閒為自在將壽補蹉跎春色無情故幽居亦見過

酬牛相公獨飲偶醉寓言見示

宮漏夜丁丁千門閉霜月華堂列紅燭絲管靜中發歌
眉低有思舞體輕無骨主人啓醜顏酣暢浹肌髮猶思
城外客阡陌不可越春意日夕深此歡無斷絕

萋兮吟

天涯浮雲生爭蔽日月光窮巷秋風起先摧蘭蕙芳萬
貨列旗亭恣心注明璫名高毀所集言巧智難防勿謂
行大道斯須成太行莫吟萋兮什徒使君子傷

韓十八侍御見示岳陽樓別竇司直詩因令屬
和重以自述故足成六十二韻

楚望何蒼然曾瀾七百里孤城寄遠目一窩無窮已蕩
漾浮天蓋四環宣地理積漲在三秋混成非一水冬遊

見清淺春望多洲沚雲錦遠沙明風煙青草靡火星忽

南見月破方東迤雪波西山來隱若長城起獨專朝宗

路駛悍不可止支川讓其威蓄縮至南委熊武走蠻落

熊武二溪名瀟湘來與鄙炎蒸動泉源積潦搜山趾歸往無

旦夕包含通遠邇行當白露時眇視秋光裏曙色未昭

晰露華遙斐豐浩爾神骨清如觀混元始北風忽震盪

驚浪迷津涘怒激鼓鏗訇蹙成山巒砲鷗鵬疑變化罔

象何恢詭噓吸寫樓臺騰驤露簪尾景移羣動息波靜

繁音弭明月出中央青天絕纖淳素光淡無際綠靜平
如砥空影渡鵠鴻秋聲思蘆葦鮫人弄機杼貝闕駢紅
紫珠蛤吐玲瓏文鯈翔旖旎水鄉吳蜀限地勢東南庫
翼軫粲垂精衡巫屹環峙名雄七澤數國辨三苗氏唐
羿斷修蛇荆王憚丁達
反青兕秦狩跡猶在虞巡路從此
軒后奏宮商騷人詠蘭芷茅嶺潛相應橘洲傍可指郭
璞驗幽經羅含著前紀觀津一作律
戚里族按道侯家子
聯袂登高樓臨軒笑相視假守亦高卧賓時權領郡事
墨曹正

垂耳

韓亦量移江陵法曹

羿闊話涼溫壺觴慰遷徙地偏山水秀

客重杯盤侈紅袖花欲然銀燈晝相似興酣更抵掌樂極同啓齒筆鋒不能休藻思一何綺伊余負微尚夙昔慙知已出入金馬門交結青雲士襲芳蹤蘭室學古遊槐市策慕宋前軍文師漢中壘陋容昧俯仰孤志無依倚衛足不如葵漏川空歎蟻幸逢萬物泰獨處窮途否鍛翮重疊傷兢魂再三褫蘧瑗亦屢化左丘猶有恥桃源訪仙宮辟服祠山鬼故人南臺舊一別如弦矢今朝

會荆巒斗酒相宴喜為余出新什笑抃隨伸紙曠若觀
五色歡然臻四美委曲風濤事分明窮達旨洪韻發華
鐘淒音激清徵羊濱要平聲共和江淹多雜擬徒欵仰高
山焉能追逸軌湘洲路四達巴陵城百雉何必顏光祿

留詩張內史

和郴州楊侍郎翫郡齋紫薇花十四韻

幾年丹霄上出入金華省暫別萬年枝看花桂陽嶺南
方足奇樹公府成佳境綠陰交廣除明豔透蕭屏雨餘

人吏散燕語簾櫳靜懿此舍曉芳翛然忘簿領紫茸垂
組縷金樓攢鋒穎露渟暗傳香風輕徐就影苒弱多意
思從容占光景得地在侯家移根近仙井開尊好凝睇
倚瑟仍回頸遊蜂駐綵冠舞鶴迷煙頂興生紅藥後愛
與甘棠並不學夭桃姿浮榮在俄頃

春日寄楊八唐州二首

淮西春草長淮水逶迤光燕入新村落人耕舊戰場可
憐行春守立馬看斜桑

漠漠淮上春
莠苗生故壘
梨花方城路
荻筍蕭陂水
高齋有謫仙
坐嘯清風起

謝馮十七舍人宿衛贈別五韻

少年為別日
隋宮楊柳陰
白首相逢處
巴江煙浪深
使星上三蜀
春雨霑衣襟
王程促速意
夜語殷勤心
却歸天上去
遺我雲間音

謝湖州崔郎中見寄

風箏吟秋空
不肖指爪聲
高人靈府間
律呂伴咸英
昔

年與兄遊文似馬長卿今來寄新詩乃類陶淵明磨礪
老益智吟詠閒彌精豈非山水鄉蕩漾神機清渚煙蕙
蘭動溪雨虹蜺生馮君虛上舍待余乘興行

秋日書懷寄河南王尹

公府想無事西池秋水清去年為狎客永日奉高情況
有臺上月如聞雲外笙不知桑落酒今歲與誰傾

酬留守牛相公宮城早秋寓言見寄

曉月映宮樹秋光起天津涼風稍動葉宿露未生塵星

一作氣尚芳麗曠望感心神揮毫成逸韻開閣遲來賓
景

罷去將相印漸為逍遙身如招後房宴却要白頭人

海陽十詠

并引

元次山始作海陽湖後之人或立亭榭率無指名及余而大備每疏鑿構置必揣稱以標之人咸曰有旨異日遷官裴侍御為十詠以示余頗明麗而不虛美因據拾裴詩所未道者從而和之

吏隱亭

結構得奇勢朱門交碧潯外來始一望寫盡平生心日
軒漾波影月砌鏤松陰幾度欲歸去回眸情更深

切雲亭

迥破林煙出俯窺石潭空波搖杏染日松韻碧窓風隔
水生別島帶橋如斷虹九疑南面事盡入寸眸中

雲英潭

芳幄覆雲屏石奩開碧鏡支流日飛灑深處自疑瑩潛
去不見跡清音常滿聽有時病朝醒來此心神醒

玄覽亭

瀟灑青林際，黃緣碧潭隈。
淙流冒石下，輕波觸砌回。
香風逼人度，幽花覆水開。
故令無四壁，晴夜月光來。

裴溪

時御史已遇新恩

楚客憶關中，疏溪想汾水。
縈紆非一曲，意態如千里。
倒影羅文動，微波一作浪笑顏起。
君今賜環歸，何人承玉趾。

飛練瀑

晶晶擲巖端，潔光如可把。
瓊枝曲不折，雲片晴猶下。
石

堅激清響葉動承餘灑前時一作明月中見是銀河瀉

池

月中見是銀河瀉

蒙池

潔淳幽壁下深淨如無力風起不成文月來同一色地
靈草木瘦人遠煙霞逼往往疑列仙園碁在巖側

棼絲瀑

飛流透嵌隙噴灑如絲棼含暈迎初旭翻光破夕曛餘
波遶石去碎響隔溪聞却望瓊沙際逶迤見脉分

雙溪

流水遶雙島碧溪相並深浮花擁曲處遠影落中心閒
鷺久獨立曝龜驚復沉蘋風有時起滿谷簫韶音

月窟

皎滅漱幽石注入團圓處有如常滿杯承彼清夜露巖
曲月斜照林寒春晚煦遊人不敢觸恐有蛟龍護

武夫詞

并引

有武夫過詫余以從軍之樂翌日質於通武之善
經者則曰果有樂也夫威恣而賞勞則樂用威雄

而賞翫則樂橫顧其樂安出耳余惕然作是詞

武夫何洸洸衣紫襲絳裳借問胡為爾列校在鷹揚依

倚將軍勢交結少年場探丸害公吏抽刃妒名倡家產

既不事顧盼自生光

一作醒

歌高樓上袒裼大道旁昔

為編戶人秉耒甘哺糠今來從軍樂躍馬飫膏粱猶思

風塵起無種取侯王

虎丘寺路宴

青林虎丘寺林際翠微路立見山僧來遙從鳥飛處茲

峰淪寶玉千載惟丘墓埋劒人空傳鑿山龍已去捫蘿
披翳蒼路轉夕陰遽虎嘯崖谷寒猿鳴松杉暮徘徊北
樓上海江窮一顧日映千里帆鷁歸萬家樹暫因愜所
適果得捐外慮庭暗棲還雲簷香滴甘露久迷空寂理
多為聲華故永欲投此山餘生豈能悞

缺題

故人日已遠窓下塵滿琴坐對一樽酒恨夕無力斟幕
疎螢色迥露重月華深萬境與羣籟此時情豈任

晚步楊子游南塘望沙尾

淮海多夏雨，曉來天始晴。
蕭條長風至，千里孤雲生。
濕久喧濁舉，開偶虛清客。
遊廣陵郡晚，出臨江城郊。
綠楊陰江中，沙嶼明歸帆。
翳盡日去櫂，聞遺聲鄉國。
渺漫羈心目，懸旌悠然京。
華意悵望懷遠程，薄暮大山
上。翩翩雙鳥征。

和浙西李大夫晚下北固山喜徑松成陰悵然懷古偶題臨江亭并浙東元相公所和依本韻

一辭溫室樹幾見武昌柳荀謝年何少韋平望已久種
松夾石道紆組臨沙阜目覽帝王州心存股肱守葉動
驚綵翰波澄見頽首晉宋齊梁都千山萬江口煙散隋
宮出濤來海門吼風俗太伯餘衣冠永嘉後江長天作
限山固壤無朽自古稱佳麗非賢誰奄有八元邦族盛
萬石門風厚天柱揭東溟文星照北斗高亭一騁望舉
酒共為壽因賦詠懷詩遠寄同心友禁中晨夜直江左
東西偶將手握兵符儒腰盤貴綬頌條風有自立事言

無苟農野聞讓耕軍人不使酒用材當構廈知道寧窺
牖誰謂青雲高鵬飛終背負

始至雲安寄兵部韓侍郎中書白舍人二公近
曾遠守故有屬焉

天外巴子國山頭白帝城波清蜀棟盡雲散楚臺傾迅
瀨下哮吼兩岸勢爭衡陰風鬼神過暴雨蛟龍生破斷
見孤邑江流照飛甍蠻軍擊嚴鼓策馬引雙旌望闕遙
拜舞分庭備將迎銅符一以合文墨紛來繁暮色四山


起愁猿數處聲重閑羣吏散靜室寒燈明故人青霞意
飛舞集蓬瀛昔曾在池籞應知魚鳥情

御定全唐詩卷三百五十五

謹案卷三百五十四第二十頁前三行焉能慕知

幾刊本幾訛已據原集改





總校官庶吉士臣張能照

校對官中書臣張損

謄錄監生臣王朝寧